



मोहनी नखः ११४३ या लसताय भिंतुना
साःगु भिंगु मरिचरिया निति लुमका दिसें !
लक्ष्मण गजाल 'चिलिमि'
प्रोप्राइटर
लाखा छै
LAKHA CHHEN
सोन्हुष्टे, वडा नं. १६, येँ, फोन नं.: ४५६०७५८

भिंतुना देछाना !

मोहनी नखः
११४३ या लसताय थुगु
वाःपौया सकल ब्वनामि,
विज्ञापनदाता, भिंचितामि,
गवाहालिमिपिनिलिसें सकल
नेपाःमिपिन्त भिंतुना देछासैं
लहना वाःपौया वडगु ल्याः
ने.सं. ११४३ कौलागा
तृतीया (वि.सं. २०८०
कार्तिक १४ गते) जक
पिदनीगु सुचं बियाचवना ।

सकल जः

सिकालीया भिंनिदंया जात्रा न्ह्यात स्वनिगःया थीथी थासय हुइकेगु तयारी

खोना देय्या मूद्यःकथं हनाबना तयातःम्ह श्री रुद्रायणी देवीया १२ दँया मेला न्ह्याःगु दु । १२ दँय छक्कः जुइगु थुगु मेला कौलाथव दुतियासिसें न्ह्याइगु खः । कौलाथव दुतिया खुन्हु श्री रुद्रायणी सिकाली अजिमाया १४ म्ह द्यःगणपिसं थःथःगु शक्ति सञ्चयकथं थीथी थासय द्यः काः वनाः जात्रा न्ह्याःगु खः ।

● लहना संवाददाता,
दुतिया खुन्हु चान्हयनिसें हे द्यःगं मध्ये कुमारी व वामुखाःद्यः श्री खण्ड भवानी देगलय् बिज्याकाः श्री खण्ड भवानीयात विधिवत रुपय पूजा याय् धुंकाः देगलं कुबियाः खोनाया क्वयूलाछीइ च्वंम्ह नासःद्यः देगलय् थःगु शक्ति सञ्चयया निति गोप्य रुपय प्रतिस्थापन याइ । अनलिपा चान्हय व तृतीयाया देयसा मन्त्याःतले श्री खण्ड भवानी नासः देगलय् हे बिराजमान जुयाबिज्याइ ।

१२ दँ जात्रा न्याय्केगु इवलय् मूरुपय् दुगु जात्रा असोज शुक्ल तृतीया (मंगलबार)यात काइ । छायाःसा थवयां न्ह्यः दँयदसं गुकथं जात्रा न्ह्याका क्वयाच्वंगु खः, उकथं हे जात्रा न्ह्याइ । तृतीया खुन्हु देगःया लुखापिने नीम्ह म्येय् बलि बियाः देसा न्ह्याकी । देसा न्ह्याकेन्ह्यः रुद्रायणी द्यःगणं येमाःगु सकतां ज्या क्वचायेके धुंकाः भोजन याकी । भोजन क्वचाय् धुंकाः श्री खण्ड भवानीया द्यःबुपिन्त भोजन याकेगु लिसें जात्रा न्ह्याकेत कुमारी वा वामुखाः वयाः च्वय्कः



वड । अनलिपा द्योबुं श्री खण्ड भवानी जात्रायात माःगु तिसावसः लिसें थःत माःगु ज्वलंत फुक्क ज्वनाः सकलें क्वेलाछीइ यंकी । देवगणपिसं द्यःबुयात भोजन याकी । भोजन धुंकाः द्यःबुं श्री खण्ड भवानीयात वसः, तिसा व मालां छायापी । थः नं तयारी अवस्थाय् च्वनी । उगु इलय् देवगणत

नं देःसा न्ह्याकेत तयारी अवस्थाय् च्वनी । गुबलेतक श्री खण्ड भवानी तयारी अवस्थाय् च्वनीमखु, जात्रा न्ह्याकी मखु । थथेजुगुलिं खोनाया १२ दँ जात्राय् श्री खण्ड भवानीया अहं भूमिका जुइ ।

श्री खण्ड भवानी व द्यःबुपाखें थःपिनि ज्या क्वचाय् धुंकाः द्यःबुपाखें कुमारी शक्ति सञ्चयया निति नासः द्यः देगलय् स्वनातःम्ह भगवानयात विधिवत रुपय जँय् ज्वनाः कुबिइ । अनलिपा कुमारी थःगु शक्ति कुबियाच्वंम्ह द्योबुयात जँय् ज्वी । (कुमारीया जव ल्हातय् मेमेगु इलय् न्ह्याबले खड्ग दइ सा उखुनु खड्ग दइमखु ।) अनलिपा देःसा शुरु जुयाः जात्रा न्ह्याइ अर्थात् १२ दँया मेलाया मू जात्रा न्ह्याइ । कुमारी द्योबुयात ज्वसासिसें मत्वःतुसे हे खोनाया देसा जात्रा संचालन ज्या जुइ । सिकाली अजिमा देगःया न्ह्यःने च्वंगु दबुलीइ देसाः जात्रा क्वचायेकी । थुगु दबुलीइ जुइगु जात्रा हे १२ दँया जात्राया मू जात्रा खः ।

त्यं ७ पेजय्

असोज २२ यात लसता न्हिकथं हनीगु

आः जेठ १८ यात हाकूगु न्हि कथं महनिइगु नेवाः देय् दबू स्वनिगः विशेष प्रदेश आर्वनिसे जेठ १८ गतेयात हाकूगु न्हि कथं महनिइगु जुगु दु । असोज २७ गते थीं तोखाय् च्वंगु स्वनिगः विशेष प्रदेशया मुँज्यां अथे निर्णय याःगु खः ।

अथे हे बागमती प्रदेशसभाय् सर्वसम्मत कथं नेपालभाषा व तामाङ भाषायात प्रदेशया सरकारी कामकाज भाषा कथं लागू यायेगु निति विधेयक पारित

याःगु दि असोज २२ गतेयात दँय दसं नेपालभाषा लसता दि कथं हनेगु धकाः नं निर्णय याःगु खः । स्थानीय सरकारय् स्थानीय भाषा कथं नेवाःतयगु लागाय् नेपालभाषा लागू यानाच्वंगु अवस्था अले प्रदेशं तक भाषा विधेयक पारित याःगुलि जेठ १८ यात हाकूगु न्हि कथं हनेगु आवश्यकता मदुगु महसूसयासें अज्यागु निर्णय याःगु खः । देय् दबू स्वनिगः विशेष प्रदेशया नायः ल्यं ७ पेजय्

Trendiest Fashion
At Price You Love

ufo the clothing store

नेपालीहरूको महान चाड बडा दशैं, तिहार, छठ पर्व एवम् नेपाल संवत् ११४४ नयाँ वर्षको पावन अवसरमा समस्त वडाबासीका साथै नेपालीहरूको उत्तरोत्तर प्रगति एवम् सुख, शान्तिको मंगलमय कामना गर्दछौं ।

रुपेन्द्रराज शाक्य
वडा अध्यक्ष

ललितपुर महानगरपालिका
६ वडा परिवार



नेवा: राष्ट्रिय म्ये

चमि : दुर्गालाल श्रेष्ठ लय् चिनामि : तिर्थ माली

धुन दने धुन सँन्ट्यलं भी फुक्कं हे छम्ह जुइ धुन
भीगु लागाय् भी स्वयं हे जः जुया धुन लुइ धुन
ह्यांगु भुमिइ अष्टमण्डल ह्यांगु चाः दुने थी नगु
भीगु नेवाः ध्वाँय् थ्व हे खः ज्यान भी सकस्यां छगू
जातितय् स्वायत्त राज्य लुइ कर्प च्वय् भिर्लीमिलिं
राष्ट्र भःभः धाय्क न्ह्याके भीगु चःतिं भीगु हिं

सम्पादकीय



मोहनी नखःया भिंतुना

सकसितं मोहनि नखःया लसताय् आपालं आपाः
भिंतुना । थुगुसी भचा बांलाक नखः हने खनी ला धइगु
आशा ब्वलनाच्चबलय् थुगुसी नं डेंगु व भाइरल इन्फेक्सनं
यानाः अप्वःसिगु मोहनि खाइसेच्वनीगु खनेदु । अथेसां मोहनि
नखलय् सुं नं मफु धयाच्वनेम्वाःलेमा, सकलें बल्लाकाः मोहनि
नखः भःभः धाय्क हनेखनेमा । आसुरी शक्तिया पराजयया
प्रतिकया रुपय् हनेगु मोहनि नखलय् डेंगु, भाइरल इन्फेक्सन
थज्याःगु सकतां भाइरसया नं पराजय जुइमा, सकलें स्वस्थ
जुयाः नखः हनेखनेमा, थ्व हे भिंतुना ।

थ्व ला जुल, आःया अवस्थालिसें मोहनिया भिंतुनाया
खँ । तर थन भीत अस्वस्थ दय्काच्वंगु, भीगु एकतायात
भ्वाभः दय्काच्वंगु मेगु तःधंगु भाइरसया खँ दनि । सकसिनं
थःथःगु छँय् नःलास्वां पीधुकल । आः कूछि भ्वय् नं वइ,
कूछि भ्वय् नं नय् । महानवमीकुन्हु स्याक्वत्याक्व नं न्याय्के ।
चाल्कुन्हु मोहनि सिन्हः तिनाः सकसिगु छयनय् नःलास्वां नं
भःभः धाइ । मोहनीया लकस अथे न्हयइपुसेच्वनीगु ई खः ।
थ्व इलय् सकसियां हे न्हयइपुकेगु हे मनसाय जुयाच्वनी ।

थ्व इलय् जूगु इजरायल व प्यालेस्टिनी दथुइया ल्वापुं
हलिं हे हन्ताः जूगु दु । नेपाःमि ब्वनामिपिं नं थुकिं प्रभावित
जुल । बांलाःगु भविष्य दय्केगु योजना ज्वनाः इजरायल
थ्यंकःवीपिं नेपाःमि विद्यार्थीत निला हे अन च्वने मखक युद्धया
चपेटाय् लासेलि उमिगु उद्धारया निंतिं प्यखेरं सः वःगु खःसा
नेपाल सरकारं नं तत्काल हे पलाः न्ह्याकाः नेपाःमिपिन्त लिं
हय्त ताःलाःगु दु ।

मेखे नेपाल सरकारं नखःया न्हयःने पेट्रोलियम पदार्थया
भाः नं क्वकया बीवं नेपाःमि जनतां छुं भचासां राहतया सासः
ल्हाःगु दु । तर नखःचखःया इलय् मनूतय्त माःगु खाद्यान्नया
ज्वलनय् खनेदुगु अभावया हुनिं धाःसा सरकारं आलोचना
फय् मालाच्वंगु दु । सरकारं आपूर्ति व्यवस्थायात सहज
यानाः सकसितं अःपुक माःकथंया खाद्यसामग्री थ्यंकेत कुतः
याय्माः । थथे याय् फत धाःसा जक नेपाःमि जनताया मोहनी
नखः भःभः धाइ ।

मोहनी नखः सकल नेपाःमि जनतां थःथःगु हे कथं
हनावयाच्वंगु व नेपाःया हे दकले ताःहाकःगु नखः जूगु
ल्याखं थुगु नखः न्हयइपुक हनेगु निंतिं सरकार पक्षं नियमित
बजार अनुगमन यानाः कालाबजारीया नियन्त्रण नं याय्माःगु
अवस्था खनेदु । मोहनी, स्वन्ति थुज्वःगु नखःचखःया इलय्
अप्वः फाइदा काय्गु तातुनां कृत्रिम अभावया सृजना यानाः
थिकेक ज्वलंत मीगु ज्या जुइगु तथ्यं सुयां पाखें सुलाच्वंगु
मदु । थौकन्हय् बजारय् जाकि, चिनी थुज्वःगु पदार्थया अभाव
खनेदयावःगु धइगु नं थुकिया हे चिं खः ।

मेखे मोहनी नखः न्हयइपुकेगु नामय् दुर्घटना अप्वः जुइगु
भाः नं खः । क्षमता स्वयां अप्वः यात्रु व ज्वलं कुबिया यात्रा
याइगु हुनिं थुज्वःगु समस्या जुइगु खनेदु । सकलें छँय् वने हथाय्
चाइगु अले दुर्घटनाया सिकार जुइगु यक्व घटना न्हापाया रिर्कड
दु । थथे मजुइकेगु निंतिं सकलें सावधान जुयाः न्हयज्याय्माः ।

अर्धउपनिवेशं देय् भन् भन् कमजोर जुजुं वनाच्वन



डि.आर. खइजे

न्हापांगु विश्व युद्धय् तक
विश्वया शक्तिशाली देशं कमजोर
देशयात हमला यानाः अथवा षडयन्त्र
मार्फत थःगु ल्हाती कयाः उपनिवेश
कायम यानाः शासन याइगु खः । न्हापा
शक्तिशाली देश विशेष यानाः बेलायत,
फ्रान्स, सोभियत संघ, जर्मनी, ईटाली
अथे हे एसियाया जापानं कमजोर
देशयात उपनिवेश तय्गु यानाच्वनीगु
खः । कमजोर राष्ट्रया प्राकृतिक श्रोत
व सम्पत्ति मिखा तइगु खः ।

जब निक्वःगु विश्वयुद्ध जुल,
अनं लिपा तःधंगु राजनीतिक ह्यूपाः
वल । शक्तिशाली देशं कमजोर देशयात
उपनिवेश शासन मखु, अर्ध उपनिवेश
शासन याय्गु शुरु यात । थुकिया अर्थ
कमजोर राष्ट्रया नेतातय्त ल्हाती कयाः
थःगु ईशाराय् प्याखं हुइकीगु अर्थात
थःगु स्वार्थ पूर्वका च्वनीगु खः ।
थौतक नं विश्वया कमजोर देय्त अर्ध
उपनिवेशय् लानाच्वंगु दु । थुकिं यानाः
देश भन् भन् कमजोर जुजुं वनीगु खः ।

नेपाः नं भारतया अर्धउपनिवेशया
हुनिं देश भन् भन् कमजोर जुजुं
वनाच्वंगु दु, पूर्वक हे आश्रित जुइत
बाध्य जुजुं वनाच्वंगु दु । थुकिया
मू हुनि धइगु भीगु देशया नेतृत्व
यानाच्वीपिं पार्टीया नेतात खः । थौया
इलय् तक नं नेपालं प्राकृतिक श्रोत
साधन लुटे याकाच्वनेमाःगु अवस्था
दु । थ्व यथार्थ नं खः ।

देशय् अराजक, अशान्तिया
नापनापं कंगाल जुइगु या अप्वः पीडा
देशया मूलवासीयात जुइगु स्वभाविक
खः । देशया मूलवासी धाय्बलय् विशेष
यानाः स्वनिगःबासी नेवाःत खः धाःसां
पाइमखु । जब पृथ्वीनारायण शाह नं
नेपाःया फुक्क भाग कब्जा यात, व इलय्
भारतया उत्तर प्रदेशया गढवालपाखें
खस बर्मूत हःगु इतिहासं क्यनाच्वंगु दु ।
पृथ्वीनारायण शाहं राज्यया महत्वपूर्ण
प्रशासनिक शाखाय् खस बर्मूतय्त
नियुक्ति यानाः थनया आदिवासीपिन्त
शासन याय्गु रणनीतिकथं हःपिं खः ।
थुकिया लिच्चः आःतक नं थनया
आदिवासीतय्त माइन्स याय्गु ज्या
न्ह्याना हे च्वंगु दु ।

थनया फुक्क प्रशासनिकलिसें
आर्थिक क्षेत्रय् तर्क कब्जा यायां
वनाच्वंगु दु । व्यापार व नोकरी पेशां
विस्थापित याय्गु नं छगू रणनीति खः ।
जब आर्थिक अवस्था कमजोर जुइ,
व ब्याक्तिपाखें ल्यं दुगु अचल सम्पत्ति
नं मीत बाध्य जुइ । थौं स्वनिगःया

नेवाःतय्सं थःगु छँ बुँ मिया वनाच्वंगु
कारण नं थथे हे जुयाः खः । नेवाःतय्गु
छँ बुँ न्याःपिं गैर नेवाःत भीगु हे सम्पत्ति
अप्रत्यक्षकथं लुटे यानाच्वंगु दु ।
थौं भीगु थासय् गैर नेवाःतय्सं राज
यानाः कर व मेमेगु नामं सम्पत्ति लुटे
यानाच्वंसां नं लाचार जुया च्वनेमाल ।
नेवाः राजनीतिककथं छप्पं जुइफूगुलिं
न थथे जुयाच्वंगु खः ।

देशया मूलवासीया ल्हाती सत्ता
न्ह्याकेगु ह्वःताः वल धाःसा जक देय्
ठीक दिशाया न्ह्याःवनी । सकारात्मक

अले राजनीति ब्राह्मणबादया
नापनापं ब्यापारीकरण नं जुल ।
थौकन्हय् छगू हे जातिया ल्हाती
राज्यसत्ता लानाच्वंगु दु । अर्थात
राज्यया स्वंगुलिं अंग न्यायापालिका,
कार्यापालिका व व्यवस्थापिका नं छगू
हे जातिया हालीमुहाली जुयाच्वंगु दु ।
व हे राज्यया स्वंगुलिं अंग छ्यलाः
नेवाःतय्त कमजोर व शक्तिहीन याय्गु
ज्या जुयाच्वंगु दु । नेवाःतय्त छखे
प्रशासनं भंभट बियाः दुःख कष्ट
बियाच्वंगु दुसा मेखे हाकनं अप्वः



थुकिया दसूकथं नेपाल बैकयात नं काय्फु । नेपाल
बैंक नेवाःतय्गु ल्हाती दुगु इलय् बैकया अवस्था अन्तर
ष्ट्रियतकं इज्जत व प्रतिष्ठा दयाच्वंगु खःसा आः वयाः व
अवस्था मखय् घुंकेल ।

सोच दुपिं नेतातय्सं न्यायपालिका,
कार्यपालिकाय् जनताप्रति वफादार
व बांलाःपिं मनूत वइ । २०४६ साल
न्हयःतक न्ह्यागु सरकारी ज्याकुथी
अप्वः नेवाःतय्सं ज्या यानाच्वंगु खः ।
व इलय् अफिस अफिसया अवस्था
बांलानाः देशया आर्थिक अवस्था
क्वातुयाच्वंगु खः । थःगु थाय् थःपिन्त
माया दइगु स्वभाविक खः ।

थुकिया दसूकथं नेपाल बैकयात
नं काय्फु । नेपाल बैंक नेवाःतय्गु
ल्हाती दुगु इलय् बैकया अवस्था
अन्तराष्ट्रियतकं इज्जत व प्रतिष्ठा
दयाच्वंगु खःसा आः वयाः व अवस्था
मखय्घुंकेल । बैंक जक मखु, चीन व
सोभियत संघया ग्वाहालिकथं पलिस्था
जूगु उद्योग नं ध्वस्त जुजुं वन । दक्षिण
एसियाय् प्रख्यात जुयाच्वंगु टूलिबस,
साभा यातायात आदि ध्वस्त जुयावन ।
गन नेवाःत कमजोर जुजुं वनी, अन
बुलुहुँ स्यना वनाच्वंगु यक्व हे दसू दु ।
थ्व सकस्यां स्यूगु हे खँ जुल ।

२०४६ सालया ह्यूपाः लिपा
खस बर्मूतपाखें अप्वः पीडित
जुयाच्वीपिं स्वनिगःया आदिवासी हे
खः । पिनेयाःपिं मनूत स्वनिगलय्
वयाः राजनीति ल्हातय् लाकेत थनया
नेवाःतय्त कमजोर यायां यंकूगु खः ।
दसुया निंतिं सर्वोच्च नेता गणेशमान
सिंहयात ला हायलकायल यानाः पार्टी
राजीनामा बीत बाध्य यात धाःसा
मेमेपिं नेतातय्गु ला खँ ल्हाय्गु त्वःता
छ्व । जब उच्च पदय् थ्यनाच्वीपिं नेवाः
नेतात माइन्स जुइगु धइगु राजनीतिक
ख्यलय् खस बर्मूतय्गु हालीमुहाली
जुइगु खः ।

कयाः आर्थिक अवस्था डावाडोल
यानाच्वंगु दु ।

विश्वया यक्व हे देशय्
स्थानीयबासीत खालि संस्कृतिइ जक
अप्वः ध्यान बियाः राजनीतिक
क्षेत्रय् म्हो जक ध्यान बीगुलिं पिने
वयाः च्वीपिन्सं विस्थापित याय्त
ताःलाःगु खनेदु । भीगु स्वनिगलय्
नेवाःत राजनीति कम संस्कृति अप्वः
ध्यान बियाच्वंगुलिं यानाः खसबर्मूत
शक्तिशाली जुजुं वनाच्वंगु दु । यदि
नेवाःत भावनात्मकथं छधी छप्पं
जुइफत धाःसा पीडित जुया च्वनेम्वाः ।
अथे हे तराइलय् नं न्यायापालिका व
प्रशासनयात उपयोग यानाः मधेशीतय्त
शोषण यानाच्वंगु खः । जब मधेशीतय्के
राजनीतिक जागरण वल, उमिसं थःगु
लागाय् थःपिन्त हे शोषण यानाच्वंगु खँ
वाः चाय्कल ।

अले मधेशीत छप्पं जुयाः थःगु
अधिकारया निंतिं न्ह्याचिल । तराइलय्
जक मखु, राइ, मगर, लिम्बु बाहुल्य
दुगु थासय् नं बुलुहुँ जागरण ब्वलना
वःगु दु । लिच्चःकथं खस बर्मूत अनं
विस्थापित जुजुं वय्माःगु स्थिति दुसा
थौकन्हय् उमिगु निंतिं सुरक्षित थाय्
स्वनिगः जुयाच्वंगु दु । लिपा थ्यंक
खस बर्मूत सुरक्षितकथं च्वनेगु निंतिं
नेवाःतय्त विस्थापित याय्त प्रत्यक्ष
अप्रत्यक्षकथं तःधंगु षडयन्त्र
यानाच्वंगु दु, व न्ह्याना हे च्वंगु दनि ।
तर अफसोच, नेवाःत थजाःगु खँ सीक
सीक नं नेवाःत गुलिं पार्टीया नामं,
गुलिं व्यक्तिगत फाइदाया निंतिं जक
न्ह्याःवनाः छधी छप्पं जुइफयाच्वंगु
मदु ।

मोहनी नखःया दर्शन व थुकी वःगु ह्यूपाः



जितेन्द्र बिलास बज्राचार्य

मोहनी नखः आध्यात्मिक, धार्मिक, साँस्कृतिककथं स्वयंबल्यं थ्व छू तःधंगु नखः कथं हना वयाच्चंगु दु। थ्व नखःयात 'राष्ट्रिय नखः' कथं कयाः दकल्यं ताःहाकः विदा नं वियातःगु दु। थ्व नखः शरद ऋतुइ लाइगुलिं वातावरण साःप हे न्हयइपुसे च्वं। नेवाःत दक्व छू हे धर्म माने याइपिं मखुसां फुक्क नेवाःतसें थीथी नखः थःथःगुकथं व्याख्या यानाः न्ह्याइपुक्क हना वयाच्चंगु दु।

शिवपुराण कथं श्री दुर्गा भवानी दैत्य महिषासुरयात आश्विन शुक्ल दशमि कुन्हु बध याःगु खः। दशमि कुन्हु दैत्यात स्याःगुलिं 'बिजया दशमि' धायुगु यानाच्चंगु खः। अले त्रेता युग्य राम रावणयात दशमि कुन्हु हे बध याःगु नं खः। थ्व हे दिन संचक्रवर्ति महाराज अशोक शस्त्र परित्याग याःगु दिं खः।

मोहनी नखःया शुरु आश्विन शुक्ल पक्ष न्हापांगु दिं पारु कुन्हु नःला स्वनेत सुथ न्हापां खुसी वनाः फि कयाः थःगु कूल छैय् तख्व व कःनि फि व पंचाय ह्वलाः भ्यगतं त्वपुयाः बैदिक, तान्त्रिक कथः थःगु हे दर्शनकथं आराधना यानाः गुंगु थनाः दबदब थानाः नःला

स्वनी। थनिनिसें शक्ति सञ्चय यायेगु शुरु जुइ। अले सुथय् नगु दुबलय् हे पीठ पीठय् वनाः खुसिइ ख्वाः सिलाः पीगद्यः अर्थात देशीपिने च्वपिं गछिं घः अष्टमातृका, भैरवया पूजा आराधना याइ। थ्व दिंयात घटस्थापना धकाः नं धाइ। तर नेवाःतसें घः स्थापना यानाः पूजा यानाच्चंगु खास हे खने मद्दु। व हे हुनिं घटस्थापना मखुसे नःला स्वनेगु वा नःलापीगु हे धायुमाःथे च्वं।

नेवाःतयुसं नवदुर्गायात नं थःथःगु कथं पीठ पीठय् वनाः पूजा व शक्तिया आराधना याइ। पीठय् छुं नं घःया मूर्ति दइ मखु। बरु अनं गछिंघः दइ। गछिंघः धायुबलय् भैरबनिसें दक्व हे शक्ति घः दइ। छू पीठय् छम्ह मू अष्टमातृका दइसा मेपिं गछिंघः दइ। वहे हुनिं नवदुर्गा धकाः न्हि छम्ह छम्ह घःकथं नेवाःतसें पूजा यानाच्चंगु खने मद्दु। थ्व नं छू अध्ययन व अनुसन्धानया विषय जुइफु।

फूलपाति अर्थात सप्तमि कुन्हु नेवाःतयुगु खास हे ज्याइवः दइ मखु। थ्व कुन्हु विदाबीगु हुनिं थ्व दिनसं सुचुकुचु यायुगु ज्या जुइ। नेवाःतयुगु मोहनी नखःया भव्य अष्टमि कुन्हुनिसें ज्याइवः न्ह्याइ। थ्व कुन्हु नेवाःतसें कूछि भव्य नइ। कूछि भव्य धाःगु हे कूलया जःपि अर्थात थःगु कूल छैय् च्वपिं पिहाँ वनाच्चपिं नापं कूल छैय् वयाः दक्व परिवार छथाय् हे छसि कथं च्वनाः भव्य नयुगु खः। कूछिया अर्थ नि माना धकाः कुलिं दानाः ब्व तथाः नयुगु नं याइ, थ्व यात हे कूछि भव्य धाइ।

नवमि कुन्हु स्यायुगु ज्या जुइ। थ्व दिंयात स्याक्वत्याक्व नं धाइ। थ्व दिनसं खड्ग स्वनी। थःथःगु लजगाः कथं थीथी ज्याभःत नं स्वनी।



नेवाःतयुगु विस्वकर्मा पूजा धाःसां ज्यू। पशुबलि नं बी। थथे पशुबलि बीगु नं थःगु हे दर्शन कथं व्याख्या याइ। गुम्हेस्यां थःगु दुनेच्चंगु पशु स्वभावयात त्याग यायुगु खः। हिंसा यायुगु मखु धाइपिं नं दु। गुम्हेस्यां न्हापा न्हापा छू देशं मेगु देश नाप ल्वापु जुयां तुं च्वनी। छू त्वाः मेगु त्वाः नाप ल्वापु जुयां तुं च्वनी। गबलय् तक ल्वाभः चले याय् सइ मखु, अबलय् हि हे मखंम्ह न्ह्याबले ग्याना तुं च्वनी। उकिं मारकाट छू अभ्यास खः। थ्व यानाः आत्मबल बल्लाइ। अले मेपिं खनाः याइ मखु धकाः मारकाट यायेमाः धाइपिं नं दु। थ्व दिनसं मोहनी फइ। दानव दैत्य स्वरुप भुइफसि, तु, पालु नं स्वनी। बलिबीगु नं छू अलग हे दर्शन दु। न्हापा बलि बीम्हेसित मु हायुकी। मु हालकी तिनि बलि बी। अले न्हिपं चानाः बलि म्हुती तथाः छयनय् मतवी। मू हायुकुगुया अर्थ पशु जुनि मुक्त जुइ न्ह्याःला धकाः न्यंगु खःसा मु हाल धाःसा स्वीकृति ब्यूगु कथं काइ। अले बलिबियाः न्हिपं दुगुलिं हे पशु जूगु खः धकाः न्हिपं चानाः म्हुतुइ तथा बी। ज्ञानया स्वरुप मतच्याकाः छयनय तथा बी। थ्व या दिनसं सि कयाः भव्य नइ। सि धइगु च्यासि दइ छसि कथं थकालि निसें जवगु मिखा, देपागु मिखा, जवगु न्हायुपं, देपागु न्हायुपं, थुना, मे, जवगु भन्दारी, देपागु भन्दारी, (वाकाधी), पन्धी सा थकालि

छयं बी। सि मथः पित बलि ब्यूम्हेसिगु ला छकु छकु तथाबी। यदि सि काइम्ह परदेश जूसां नं वयागु भाग तथातइ।

दशमि कुन्हु थःथःगु कथं शक्ति साधना यानाः पूजा याइ। स्वना तःगु ज्याभः छैया थकालिं लःल्हानाबी। अले ह्याउंगु सिन्हः, मोहनी सिन्हः, कोखा बी। मोहनी सिन्हः तिकी। खड्ग लःल्हानाः पालंपाः दैत्य स्वरुप भुइ फसि, तु, पालु पाली। थ्वदिन स शक्ति प्रदर्शन नं याइ। मोहनी बलय् नेवाःतसें हाकूगु सिन्हःती। थ्वयात थःथःगु कथं व्याख्या याना तःगु दु। ज्ञान व शान्तिया प्रतीक कथं नं कायुगु याइ। गुम्हेस्यां हाकूगु धाइगु प्रतिकार विरोधया प्रतीक खः। थ्व अज्ञान व राक्षस, दुष्ट शरीरय् दुहाँ वय् मफयुमा धकाः तीगु खः।

तर मोहनी छू विशेष तन्त्र विद्याकथं आराधना यानाः माकः दलुखय् खालीगु सलिं भ्व पुइकाः फइ। थुकियात थीथीकथं व्याख्या नं यानाच्चंगु दु। प्रत्येक मनूया दुने दानव नं दइ, घः नंदइ। दानव धायुवं चञ्चल व उच्छृंखल जुइ, गथे कि माकः थें चञ्चल व कुति कुति सनीम्ह खः। माकलं मतिना थुलि याइकि वं छु याना च्वना धयागु हे थुइ मखु। वं थःमचा सीसां हे घयुपुया च्वनी, गबलय् तक ध्वग्गिनाः कुतुं वनि मखु। थ्व स्वभाव दुम्ह माकःया छातिइ ज्ञानया प्रतीक इताः च्याकाः थ्व चित्तयात भष्म यानाः थ्वया प्रतीककथं मोहनी फयाः सिन्हः तीगु याइ।

थुकथं मानव समाजया विकासया नापनापं दर्शनया विकास जुजुं वनाच्चंगु खनेदु। उकिं नेवाःतसें थःगु कथं व्याख्या याना वयाच्चंगु जुल। थ्व परम्परा हे लिपा छू दर्शन

जुयावन। मोहनी मू दिन स्वन्हु खःसां नं थौकन्हय् छू फेसन दुहाँ वयाच्चंगु दु, थ्व खः 'टिका'। साधारण तथाः देवीया आराधना यानाः प्रसाद कथं सिन्हः अर्थात 'टिका' छैया थकालिं दक्वसित आशिका यासें तिकी। दक्षिणा बीगु चलन मद्दु। दक्षिणा बीगु चलन गुम्ह गुम्हेसितं भन्फट थें जुइ धुकल। नेवाःतयुगु परम्पराकथं दक्षिणा धेवायात थीथी कथं कया तःगु दु। किसलिइ च्वंगु धेवायात सरकार, शक्ति धनयात साक्षी तःगु कथं काइ। गुरुपिन्त सिन्हः तिकाः धेवा बीगु दक्षिणा कथं काइ। श्राद्ध बलय् भिन्चापिन्त नं सिन्हः तिका दक्षिणा बी। घःपिनि थाय् त्याग कथं नं धेवा छाइ, दान कथं नं धेवा बी। सिन्हः साधारणतयाः घःयागु शक्ति दयेमा धकाः तिकीगु खः। थौकन्हय् दक्षिणा बियाः सिन्हः तिकेगु चलन वल। न्हापा जूसा नख्ख्या मसःतुसे सिन्हःत्यू वनि मखु। थ्व मेपिनिगु चलन स्वयाः सये कूगु खः, गुम्हेसिया भौगोलिक हुनिं नख्ख्या सःतः वनेगु हे सम्भव मद्दु। सिन्हः त्यू वने बलय् जुजु, हाकिम, माने याये माःपिन्थाय् थःपिन्सं धेवा तथाः सिन्हः ती। अले धेवा का धकाः इशारा यात कि थम्हेसिनं तयागु धेवा कायुगु चलन दु। मचायुक थ्व दुहाँ वयाच्चंगु 'टिका'या चलन मोहनीया महत्वयात छेवे लाकिला धयागु सम्भावना दु।

नेवाःतयुगु चथा छु बार लात, वहे बार स्याक्व त्याक्व व लक्ष्मी पूजा लाइ। थ्वहे आधार दैदिनिसें मोहनी, स्वान्त नखः हना वयाच्चंगु खनेदु।

अन्तय् मोहनी नखः बांमलाःगु पक्षयात बांलाःगु पक्षं पराजय व अज्ञानयात ज्ञानया विजय कथं हना वयाच्चंगु खनेदु।

बिचाः हायुका



बुन्दि

वि.सं. १९९९ फाल्गुण ८ गते



मदुम्ह श्रीमाया बज्राचार्य



मदुगु न्हि

२०८० असोज २४ गते बुधवाः

जिमि मां आकाभाकां मदुगुलि थौं न्हयन्हुया पूण्यातिथिसं वयूकः दुःखमुक्त जुइमाः धकाः निर्वाण कामना यासें थुज्वःगु दुःखद इलय् दुःखकःपिं छैजःपिन्त विचाः हायेकादीपिं सकसित साधुवाद देखासे मदुम्ह मांया गुण लुमंका दुनुगर्लनिसे श्रद्धाञ्जली देखाना च्वना।

काय् विश्वरत्न बज्राचार्य
भौ नानिमाया बज्राचार्य

आयो नून खाउँ स्वस्थ रहौ

जाउँदातन जाओ आओ नून याराले स्वस्थता तरे नून

आयोडिजिनको कसैलाई हुने भिन्दिनुहः

१. बढी उमेर, कुनै रोग नभएको, उमेर नभएको रोग नभएको, उमेर नभएको रोग नभएको।
२. अत्यन्त बढी, उमेर नभएको, उमेर नभएको, उमेर नभएको।
३. अत्यन्त बढी, उमेर नभएको, उमेर नभएको, उमेर नभएको।
४. अत्यन्त बढी, उमेर नभएको, उमेर नभएको, उमेर नभएको।
५. अत्यन्त बढी, उमेर नभएको, उमेर नभएको, उमेर नभएको।

आयोडिजिनको कसैलाई हुने भिन्दिनुहः

कसैलाई हुने भिन्दिनुहः

कसैलाई हुने भिन्दिनुहः

राम प्रजापति
प्रोप्राइटर

हारती मिठाई भण्डार

(शुद्ध शाकाहार)

कानिमाटी चोक, टकेश्वर मार्ग, काठमाडौं।
फोन नं. : ०१-५३७२९९९, मो. ९८०३९८०६९९

यहाँ:-विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईहरू तयार गरिन्छ।





मोहनि नखः : थीथी द्यःपिनिगु जात्रा व गण प्याखं



प्रेम मान इंगोल

नेवाःतयगु थीथी नखःचखः मध्ये मोहनि नखःया विस्कं महत्व दु। आदिवासी नेवाःतसें मोहनि यानाः द्यःतयुत नं थःगु बसय तयाः थःगु म्हुय दुबिकाः देवी प्याखं हुइकीगु खः। थ्व हे परम्पराकथं आःतक नं नेवाःतसें थीथी द्यःया जात्रा यानाः द्यःतयुत हे थःगु बसय तयाः तान्त्रिक विधिकथं पूजा यायगु व द्यःतयगु जात्रा व प्याखं न्याका वयाच्वंगु दु। भिन्हयगुगु व भिन्च्यागुगु शताब्दीइ ग्रीक सभ्यताय विकसित जुयाः नं लोप जुइधुंकुगु देवदेवीया प्याखं नेपाःया स्वनिगलय देवी प्याखंया रुपय न्यायाना वयाच्वंगु दु।

नवरथ वनेगु

यैय नवरात्री जःछि नवरथ वनेगु धकाः धिमे व थीथी बाजं थानाः पारु कुन्हुनिसें नवमितक छसिकथं शंखमूलाया शंकर तीर्थ - द्यः महालक्ष्मी, भचारुसिया निर्मल तीर्थ - द्यः लुति अजिमा, गोकर्णया पूयतीर्थ - द्यः चास्के अजिमा (रुद्रायणी), त्रिपुरेश्वरया कालमोचन - द्यः दोला अजिमा, पचलिया पञ्चनाल - द्यः पचलि भैरव, तोखाया मनोरथ तीर्थ - द्यः ईन्द्रायणी, पशुपतिया आर्यघाट - द्यः बछलादेवी, टेकू दोभानया चिन्तामणी तीर्थ - द्यः सिकाली अजिमा (नै अजिमा), कंगया भवानीतीर्थ - द्यः कंग अजिमा व तलेजु भवानी, गुह्येश्वरीया शान्ततीर्थ - द्यः गुह्येश्वरी वनाः म्वः लहुयाः द्यःपिनिगु दर्शन याइ। थथे नागराजपिन्त नं हनी। थथे हनीपिं नागराजपिं मध्ये शंखपाल, अपलाल, भद्रपाल, सुन्दर वरणपाल, बासुकी, वरुण, नन्द, अपनन्दन व सोमसिकि नागराजपिं खः।

कान्ता दबदब थानाः गुन्हु तक आगमय पुज्याइ। मोहनि जःछि मालश्री म्ये हाली, धुन नं न्यायकाच्वनी। दुर्गा भवानीया थीथी रुपयात नवरात्रीया गुंगु रुपकथं शैलपुत्री, ब्रह्मचारिणी, चन्द्रघण्टा, कुष्माण्डा, स्कन्दमाता, कात्यायनी, कालरात्री, महागौरी व

सिद्धिदात्री देवीपिन्त पुजा याइ।

पायो

नेवाःत शक्तिया उपासक व साधक खः। अथे जुयाः नेवाःतसें थःगु म्हुय द्यः दुविकाः थःगु इच्छा पूर्वकेगु याइ। ल्हाती खड्ग ज्वनाः छैय पिहां वइमह पायो जूम्ह मनूयाके द्यः दुबीगु खनाच्वनी। आगम व निगम तन्त्रया विधिकथं साधना यानाः खड्ग जगे यानाः पायाः पिहांवइ। छू धापूकथं जुजु गुणकामदेवं यै देय्या प्याखं थापना यानातःपिं अष्टमातृका पीठ जगे यायुत पायाः पिकायगु चलन याःगु खः। मल्लकालीन जुजु हरिसिंहदेवं खवपया तलेजु पिकाःगु पायोनापं थर व गोत्रकथं आगं छैय व एकादश नापं न्यागु प्रकारया पायो पिकायगु याइ। स्वनिगःया पायो, तेबाहाः, महाबौद्ध, वतु, क्वहिंति, यल, ख्वप, किपू, सक्व, तोखा नापं लायकूया तलेजुइ पायो पिकाइ। गणेद्यः, भैलःद्यः व अष्टमातृका अजिमाया प्रतीककथं पायो पिकाइबलय अष्टमहाभयं मुक्त जुइ धयागु जनविश्वास दु।

पचलि भैलःद्यःया जात्रा

मोहनिया पचिमहः अर्थात कौलाथ्व पञ्चमि कुन्हु पचलि भैलःद्यःया जात्रा याइ। खड्गधारी भैरव त्रिशुल, ढाल, मुद्रा, बां सी दुगु छ्यनय भगवान बुद्धया छ्यं अंकित यानातःगु सिजःया तग्वःगु क्वंयात हे भैलःद्यः धकाः पुज्याइगु खः। क्वंयात दुने धाःसा थ्वं, अयूलाः जायक तयाः क्वंयाद्यः जात्रा यायगु चलन दु। थ्व जात्रा दलाछि, बकंछै, यंगाः, न्हूद्यः, नायूपाःच्वया ज्यापुतसें पालंपाः न्यायूका वयाच्वंगु दु। क्वःने पचलि आजु खलःतय मोहनिबलय नःलास्वां तइमखु। पचलि आजुया जात्रानापं मोहनि लाःगुलिं थुगु मोहनि मानय मयाइपिं नं दु।

पचिमहः कुन्हु पचलि भैलःद्यःया जात्रा याइबलय आजुद्यःया नै कलाः नै अजिमायात बाजं थानाः आजुद्यःया ल्यूल्यू यंकी। पचलि आजुद्यःया क्वंया थनाः जात्रा यानाहल कि पचलिइ मनु सुं च्वने मज्यू। पचलि आजुद्यःया बेताः दना वयाः द्यःया थायू छायातःगु नइ, मनूत खनेवं हि त्वनेयः धाइगुलिं ग्यानाः सुं नं च्वनीमखु। जात्राय मनुत अयूलाः, थ्वं काःपिं सुं नं पचलि लैय ग्वारातुलाच्वंगु दु ला धकाः नै अजिमा लिहां लिहां वायः छम्ह छम्ह मनु दत्तलय थनाः यंकाच्वनी हँ। पञ्चलिङ्गेश्वर, पञ्चमुखी लिङ्गेश्वर, स्वच्छन्द भैरवया

नामं नं प्रसिद्ध पचलि भैलःद्यःया जात्रा न्यायूकेगु परम्परा ने.सं. ५०५ पाखे जुजु जूम्ह शिवसिंह मल्लं न्ह्याकूगु खँ इतिहासय न्हयथनातःगु दु।

मरु गणेद्यःया जात्रा

अष्टमिनिसें असंचालं एकादशितक मरु गणेद्यःया खः जात्रा याइ। जुजु लक्ष्मीनरसिंह मल्लं मरुसक दयूके न्हयः अशोक नांया सिमा क्वसं गणेद्यः थापना याःगुलिं उगु गणेद्यःयात अशोक विनायक धयातःगु खः।

जुजुया उजकथं तान्त्रिक जामनः गुभाजुं बौद्ध तान्त्रिक पद्धतिकथं देवन्यास यानाः गणेद्यःया जात्रा न्ह्याकूगु खः धाइ। असंमरु अजिमाया कायूया रुपय मरु गणेद्यःयात हनी। कूछिभवय कुन्हु बहनी नायूखिं थानाः थकालियात हयधुंकाः द्यःछैय तुं गणेद्यःयात खतय तयाः थकालिं पुज्याइ। थकालिं तायू, अम्ब, केरा, लै, स्वांमाःलिसें पुजा यानाः गणेद्यःयात स्वह दुगु बलि बियाः खः जात्रा न्ह्याकी। कुमारी द्यः सालेगु लैपु थःने व क्वःने मरु गणेद्यःया जात्रा याइ। चान्हय ३२ताजि अन्न होम यानाः गणेद्यःयात मेयू बलि बी। नवमि कुन्हु भक्तजनतसें अयूला, थ्वं, समेबजि तयाः छैयैय स्यानाः पुज्याइ। दशमि कुन्हु खः जात्रा यानाः यतखा, कंकेश्वरी व तहबिल थकालिया छैय धिमे, नायूखिं थानाः पुजा फः वनी।

असंभलु अजिमाया जात्रा

कौलाथ्व नवमिनिसें द्वादशितक असंया नांजाःमह द्यः असंभलु अजिमाया जात्रा याइ। ने.सं. ६९६या म्ये सफुतिइ व थीथी ऐतिहासिक अभिलेखय आशामण्डप धकाः च्वयातःगु व उक्रिया हे अपभ्रंस जुयाः थ्व थायूया नां असं जुवंगु खः धइगु धापू दु। वहःया कलशययात असंभलु अजिमा द्यःया मूर्तिकथं नालातःगु दु। स्वतँजाःगु लीया कलात्मक देगः दुने विराजमान जुयाच्वंमह थ्व द्यःयात महाकाली, महालक्ष्मी व महासरस्वतीया प्रतीककथं कयातःगु दु। हिन्दूतसें अन्नपूर्णा देवी व बौद्धतसें बसुन्धरा देवीकथं थ्व असंभलु अजिमायात पुज्याना वयाच्वंगु दु। अष्टमातृका मध्ये छम्ह अजिमाया रुपय हनाच्वंमह थ्व अजिमाया च्यापा ल्हाः दु। जवगु प्यपा ल्हातय खड्ग, बज्र, वरद मुद्रा व पाता ख्वला दुसा खवगु ल्हातय विन्दु मुद्रा, जपमाः, गं व कलश ज्वनाः पलेस्वांया आशनय च्वनाच्वंगु

दुसा मनु छ्यंया माः क्वखायातःगु दु। देगःया त्वलनय नं किपा कियातःगु दु।

कौलागा नवमिनिसें द्वादशितक जात्रा हनेगु इवलय ज्यापु गुथ्याःतसें स्याक्वत्याक्व कुन्हु असंभलु अजिमायात मेयू बलि बी। बलि ब्यूगु स्वयमज्यू धकाः द्यःया थायू वनेगु लै फुक्क बन्द यानातइ। अजिमायात असंचालं कुन्हु पीगमं खतय तयाः बाजं थानाः जात्रा यानाः छैखापतिं वनाः पूजा फःवनी। अथेतुं द्वादश कुन्हु कुमारी सालेगु लैपुइ थने व क्वःने गुथ्याःतय म्हायमस्तयगु छैय छैय वनाः पुजा फयाः देयू चाःहीकाः सन्याकालय द्यःछैय दुत यंकी। अजिमाया थ्व जात्रा किरातकालनिसें न्ह्याना वयाच्वंगु खयूमाः धकाः तायूकाच्वंगु दु।

नरःया नाराद्यःया जात्रा

दैयदसं कौलागा पारु कुन्हु नरलय नाराद्यःया जात्रा जुइ। नाराद्यःया जात्रा धाःसां स्वह द्यः ब्रह्मा, विष्णु व महेश्वरया खः जात्रा याइ। अःखः खःया जात्रा याइगु व गनं मदुकथं मैनया स्वां दयूकाः द्यःयात छायागु याइ। पारु कुन्हु मू जात्रा याइगु थ्व जात्राय द्यःया खः हे अःखतं दयूकाः जात्रा याइगु जुयाः हे 'गनं मदुगु जात्रा हाँडिगामय' धाइगु खः। स्वंगू द्यः खःयात हे थसः पायूकाः तइ। द्यःखःया दकलय द्यःने हिमालय पर्वतथे दयूकाः तुयूगु कापः व कपाय तयाः भुनातःगु दइ। हिमालय पर्वतय द्यः च्वनी धकाः दकलय च्वय द्यः तःगु दइसा हिमालय पर्वतया क्वय महाभारत पर्वत धकाः जंगलथे दयूकाः धुपिमा व लखाचामाया कचा व स्वांमा तःगु दइ। अले स्वंगू तगिमयू समाः यानाः बांलाकाः गनं मछाइगु सीस्वां नं द्यःयात छानातःगु दइ। अले अःखतं तयातःगु द्यःखःयात निम्ह मनूखं खिपतं खः चाःहिइकाः जात्रा याइ।

खोनाया सिकाली प्याखं व जात्रा

देवमाला वंशावलीकथं ने.सं. ६३३यु जुजु अमर मल्लं रुद्रायणी अष्टमातृका पीठयात मू दयूकाः थापना याःगु खोना देसय मोहनि नखः हनिमखु। नेपाः देयूक्यं मोहनि हनाच्वनीबलय खोनाय धाःसा मोहनिया कौलाथ्व तृतियानिसें षष्ठितक सिकाली गणजात्रा न्यायूकी। उकिं खोनायात मोहनि मदुगु देयू नं धाः। सिकाली जात्राय इलय पचिमहः कुन्हु पचलि आजुद्यःया जात्रा सिधय धुंकाः खोनाय नं वइ धइगु जनविश्वास

दु।

खोनाया सिकाली प्याखं नांजाःगु प्याखं खः। सिकाली प्याखंया नामं लोकं ह्वानाच्वंगु खोनाया रुद्रायणी प्याखंया थःगु हे कथंया तान्त्रिक परम्परा व प्रभाव दु। स्वयंबलय हे अतिकं पुलांगु व अजू चायापूगु थ्व परम्परागत प्याखनय बौद्ध व हिन्दू निगुलिं धर्मया छाप लाःगु खनेदु।

खोनाया थ्व सिकाली प्याखं ने.सं. ६३३यु जुजु अमर मल्लं गुथि तयाः शुरु याःगु खः धाइ। खोनाया मू द्यःकथं हना वयाच्वंमह रुद्रायणी माजुया थ्व प्याखं दच्छिया निक्वः हुइकेगु चलन दु। न्हापांखुसी कौलाथ्व तृतिया कुन्हुनिसें अष्टमितक हुइकीसा कार्तिक पुन्हि कुन्हु निक्वःखुसी हुइकी। भिनिदैय छक्कः थ्व सिकाली गणप्याखं यैया हनुमानधवाखा, पशुपति व यलया बुंगय नं यंकी।

गण प्याखं

दैयदसं आश्विन कृष्ण जलाथ्व दशमि कुन्हु चान्हयनिसें खवपया नवदुर्गा गणया न्हूगु ख्वाःपाः दयूकाः देय्या थीथी थासय प्याखं हुइकी। ख्वप राजधानी जुयाच्वंगु इलानिसें यैया पशुपति, हनुमानधवाखा, यल लायूकू, भ्वैत, पन्तिया थीथी थासय गणप्याखं हुइकेगु परम्परा दुगु खः। जुजु शिवदेवया पालय ख्वपया नवदुर्गा गणप्याखं यैया पशुपति लागाय राजराजेश्वरीघाटय प्याखं हुइकाच्वंमलय द्यः तुयुया वःगुलिं व हे थासय नवदुर्गा भवानीया द्यःछै दयूकाः द्यः थापना याःगु खः धाइ।

पशुपति लागाय भिनिदैय छक्कः मोहनिबलय यलया हरिसिद्धि गण प्याखं व थिथि बोडेया नीलबाराही प्याखं हुइकीगु परम्परा दु। अथेतुं भिनिदैय छक्कः मोहनिया चालं कुन्हुनिसें दच्छियक पचलि गण प्याखं हुइकेगु परम्परा दु। उगु गणप्याखं राष्ट्रप्रमुखया ल्हातिं पचलि भैरवनाप खड्ग हिलेधुंकाः जक शुरु जुइगु खः। न्यादैय छक्कः मखं तारिणी बहाः सिंह दुवातय भद्रकाली नापं राष्ट्रप्रमुखं खड्ग हिलेगु याइ। मोहनिया चालं कुन्हु चान्हय थथे खड्ग हिलीबलय राज्य थीर जुइगु व देसय शान्ति कायम जुइ धयागु विश्वास दु। यलया थेच्वय भिनिदैय छक्कः हुइकीगु नवदुर्गा गणप्याखं नं मोहनिया कतिपुन्हिनिसें हुइकीगु खः। दैयदसं मोहनिया चालं व पुन्हि कुन्हु थेच्वया नवदुर्गा प्याखं हुइकेगु याइ। यलया लायूकूया मूलचुकय थुगु प्याखं हुइकी।

मोहनी नखः, स्वन्ति, छठ पर्वलिसें
न्हूदं नेपाल संवत् १९४४ या लसताय
सकल नेपाःमिपिन्त
दुनुगलनिसें भित्तुना देछानाच्वना।



महालक्ष्मी चश्मा पसल
लगनखेल, साभा भवन

२०८० सालको वडादशै, शुभ दिपावली, छठपर्व तथा
नेपाल संवत् १९४४ नयां वर्षको
उपलक्ष्यमा सम्पूर्ण ग्राहकवर्गमा
हार्दिक मंगलमय शुभकामना व्यक्त गर्दछौ।

राष्ट्रको सञ्चार



नेपाल टेलिकम
परिवार

ललितपुर रेण्टल क्याटरिङ्गया नेत्वृत्य हिम किशोर



ललितपुर रेण्टल क्याटरिङ्ग तथा पार्टी प्यालेस संघया १३ वःगु साधारण सभा व न्ह्यक्वःगु अधिवेशन छुगु ज्याभूवः दथुइ यल महानगरपालिकाया मेयर चिरिबाबु महर्जन उलेज्या यानादीगु

गजेन्द्र महर्जन नाप पाहाँपिन्स बिमोचन यानादीगु खः। उगु अबिधेसन हिम किशोर आडमाड राईयात सर्वसम्मत नायः ल्यःगु दु।

अथेहे उपाध्यक्ष्य बाबुराजा महर्जन, सचिव्य रोसन घिमिरे, सहसचिव्य नरेन्द्र महर्जन, कोषाध्यक्ष्य ईश्वर खड्का व सह कोषाध्यक्ष्य अमिरकृष्ण श्रेष्ठ सर्वसम्मत कथं ल्यःगु खः। अथेहे दुजलय जोरजङ्ग कार्की, दिवाकर पोखरेल, बिष्णु कार्जित, दिपेन्द्र महर्जन, चेतनाथ बजगाई, सहदेव अधिकारी व सन्दिप श्रेष्ठ सर्वसम्मत कथं निर्वाचित जूगु खः।

लुति अजिमा धवाखा उलेज्या



लुति अजिमा धवाखा उलेज्या यँ महानगरपालिका १७ वडाया अध्यक्ष नबिन मानन्धरं छुगु ज्याभूवः दथुइ खुँसिबुइ वनेगु लुति अजिमाया धवाखा उलेज्या यानादीगु दु। ईन्द्रायणी परिसर टोल सुधार समितिया ग्वसालय मोहन व स्वर्न्ति नाप नेपाल संवत् ११४४ या लसताय जुगु उगु ज्याभूवल्य लुति अजिमाया धवाका उलेज्या यानादीगु खः।

'नेपा: टि.भी.' न्ह्यात

नेपालभाषाया संचार खयलय न्हूगु टेलिभिजन च्यानल 'नेपा: टि.भी.' औपचारिक प्रशरण शुरु जूगु दु। वंगु मंगलवा: सानेपाय च्वंगु हेरिटेज गार्डेनय छूगु जूगु विशेष ज्याइवःया दथुइ टेलिभिजनया औपचारिक उलेज्या याःगु खः।

टेलिभिजन संचालक समितिया नायः दिजेन्द्र शाक्य (राजेन्द्र)या सभापतित्वय जूगु ज्याइवल्य मूपाहां यल महानगरपालिकाया प्रमुख चिरिबाबु महर्जन टेलिभिजनया औपचारिक प्रशरणया शुभारम्भ यानादीगु खः। टेलिभिजनया संचालक समितिया दिप्रिना शाक्य लसकुस यानादीगु ज्याइवल्य कार्यकारी निर्देशक रामकृष्ण खड्गी टेलिभिजनया बारे जानकारी बियादीगु खः।

छत्रपाटीइ भित्तुना कालबिल



छत्रपाटी विकास उपभोक्ता समिति मोहन व नेपाल संवत् ११४४ या लसताय भित्तुना कालबिल लिसँ हिनान ज्याभूवः यात। ज्याइवल्य समिति १७ वडाया पुर्व वडाअध्यक्ष बिजय बहादुर मालीयात यँ महानगरपालिका १७ वडा अध्यक्ष नबिन मानन्धरं सम्मान याःगु दु।

सिकालीया...

यल महानगरपालिका वडा नं २१ खोकनाया नायः रवीन्द्र महर्जनयाकथं खोकनाया ऐतिहासिक महत्वपूर्ण जात्रा दैयदसं भव्य व सभ्यरूपय हनावयाच्वंगु दु। थुगसी १२ दँया जात्रा नं जूगुलिं भन् हे विशेष जूगु वयकःया धापु दु।

थुकथं हे श्री रुद्रायणी गुठीया सचिव बुद्धी डंगोलयाकथं दैयदसं श्री रुद्रायणी देवीया जात्रा सायाःया कन्हय खुन्हु अर्थात् खोनावासीपिनिगु स्थानीय सायाःनिसँ न्ह्याइ।

उखुन्हु रुद्रायणी देगल्य विराजमान रुद्रायणीदेवीयात रुद्रायणी देवगणपिसं लच्छिया नितिं विधिवत रुपमा पूजा अर्चना यानाः द्यो कुनेगु ज्या याइ।

अर्नालिपा खोनाया गढपःखाःदुने म्वः ल्हुइगु, वसः हीगु, छ्यंगूया ज्वलंत छ्यलेगु, खाया ला, खँय, पुजाय ह्याउँगु सिन्हः, गं थायगु, न्ह्यइपुकेगु ज्याइवःत यायगु, भव्य न्यायकेगु सकतां ज्याय पूर्ण प्रतिबन्ध जुइ। तर खोकना दुने च्वंगु श्री खण्ड(खड्ग) भवानी द्यःकुनेगु ज्या याइमखु। छायाँकि उगु इलय रुद्रायणी देगःदुने फुक्क द्यःपिं बाःहाः तयातःगु दइ।

तर देय संरक्षण व सुरक्षाया सकतां ज्या यायमाःगु नितिं श्री खण्ड भवानी पिने हे च्वनी। अथेजुगुलिं प्रतिबन्धित धाःसां नं श्री खण्ड भवानी मन्दिरय अवस्थित श्री खण्ड भवानीया न्ह्यान्धियं पूजा जुइ। उगु पूजाय अनिवार्य रुपय रक्त चन्दनया ह्याउँगु सिन्हः व श्रीखण्डया तुयू सिन्हः तिकाः नित्य पूजा यायमाः। थुगु अर्थय श्री खण्ड (खड्ग) भवानी

शक्तिया प्रतिककथं कयातःगु सी दु। १२ दँया जात्राया मूपाखं दुतिया व त्रुतिया खुन्हु जुइसा थुगु प्याखं स्वनिगःया थीथी थासय यंकाः हुइके यंकेगु चलन दुगु खलःपाखें सीदुगु दु।

असोज २२ यात...

श्रीकृष्ण महर्जनया नायःसुइ जूगु उगु मुँज्याय मूख्याञ्जे गणेशमान श्रेष्ठ आः तक देय दबू स्वनिगः विशेष प्रदेशं याना वयाच्वंगु गतिविधि व दांभरी जीवनदेवी बज्राचार्य आर्थिक ल्याःचाः न्ह्यब्वयादीगु खः।

अथे हे नायः श्रीकृष्ण महर्जन देय दबू स्वनिगः विशेष प्रदेशपाखें आः यायेगु ज्या कथं बागमती प्रदेशसभां पारित याःगु भाषा विधेयकयात कार्यान्वयनया नितिं माःगु कथं पहल यायेगु, नेपालभाषायात सरकारी कामकाज भाषाया रुपय लागू यायेत अःपुकेगु नितिं नेपालभाषाया मानविकरणया नितिं माःगु भूमिका म्हितेगु, संघीय भाषा ऐन दयेकेगु नितिं व स्थानीय सरकारपाखें पालिकाया भाषा ऐन दयेके बिइगु नितिं माःगु कथं भूमिका म्हितेगु धकाः नं प्रस्ताव तयादीगुयात मुँज्यां पारित याःगु खः।

उगु हे कथं स्वनिगःयंकं नेवाः वस्तीइ सांस्कृतिक संरक्षित क्षेत्र घोषणा याकेगु अभियान न्ह्याकेगु, स्वनिगःया थाय बाय्या नाप पुलांगु हे प्राचिन नां तयेकेगु नितिं अभियान न्ह्याकेगु, संविधानया धारा ५६ या ५ य दुगु स्वायत्त, संरक्षित व विशेष क्षेत्रया सवालय तत्कालीन आयोगं पूमवंकूगु ज्यायात न्ह्याकेगु धकाः तर्क भावि योजना तयार याःगु दु।

नेपालीहरूको महान चाड बडा दशैं, तिहार, छठ पर्व एवम् नेपाल संवत् ११४४ नयाँ वर्षको पावन अवसरमा समस्त नेपालीहरूको उत्तरोत्तर प्रगति एवम् सुख, शान्तिको मंगलमय कामना गर्दछौं।



रविन्द्रराज ताम्राकार
अध्यक्ष

नोवल बहुउद्देश्यीय सहकारी संस्था लि.
मानभवन, ललितपुर



नेपालीहरूको महान चाड बडा दशैं, तिहार, छठ पर्व एवम् नेपाल संवत् ११४४ नयाँ वर्षको पावन अवसरमा समस्त वडाबासीका साथै नेपालीहरूको उत्तरोत्तर प्रगति एवम् सुख, शान्तिको मंगलमय कामना गर्दछौं।



हिरालाल तण्डुकार
वडा अध्यक्ष

काठमाडौं महानगरपालिका ११ वडा परिवार



हरेक मंगलवार

राष्ट्रियताको लागि समर्पित



मेरो साप्ताहिक

मन्त्र साप्ताहिक Mero Saptahik

माला: माला: ब्वनादिसँ ।

नेपालीहरूको महान चाड बडा दशैं, तिहार, छठ पर्व एवम् राष्ट्रिय संवत् नेपाल संवत् १९४४ नयाँ वर्षको पावन अवसरमा समस्त ललितपुरबासीका साथै नेपालीहरूको उत्तरोत्तर प्रगति एवम् सुख, शान्तिको मंगलमय कामना गर्दछौं ।



चिरिबाबु महर्जन
मेयर



मञ्जली शाक्य (आस्था)
उपमेयर

ललितपुर महानगरपालिका
पुल्चोक, ललितपुर

चाडपर्वको संरक्षण र सम्बर्द्धन गरौं ।
चाडपर्वमा फजुल खर्च नगरौं ।
हाम्रा साँस्कृतिक पर्वहरूको जगेर्ना गरौं ।
मद्यपान र जुवातासजस्ता विकृतिको
अन्त्य गरौं ।



नेपाल सरकार
विज्ञापन बोर्ड

नेपालीहरूको महान चाड बडा दशैं, तिहार, छठ पर्व एवम् राष्ट्रिय संवत् नेपाल संवत् १९४४ नयाँ वर्षको पावन अवसरमा समस्त गोदावरी नगरबासीका साथै नेपालीहरूको उत्तरोत्तर प्रगति एवम् सुख, शान्तिको मंगलमय कामना गर्दछौं ।



गजेन्द्र महर्जन
मेयर



मुना अधिकारी
उपमेयर

गोदावरी नगरपालिका
बज्रबाराही, ललितपुर

नेपालीहरूको महान चाड बडा दशैं, तिहार, छठ पर्व एवम् राष्ट्रिय संवत् नेपाल संवत् १९४४ नयाँ वर्षको पावन अवसरमा समस्त वडाबासीका साथै नेपालीहरूको उत्तरोत्तर प्रगति एवम् सुख, शान्तिको मंगलमय कामना गर्दछौं ।



निर्मलरत्न शाक्य
वडा अध्यक्ष

ललितपुर महानगरपालिका
१६ वडा परिवार

नेपालीहरूको महान चाड बडा दशैं, तिहार, छठ पर्व एवम् राष्ट्रिय संवत् नेपाल संवत् १९४४ नयाँ वर्षको पावन अवसरमा समस्त चन्द्रागिरीबासीका साथै नेपालीहरूको उत्तरोत्तर प्रगति एवम् सुख, शान्तिको मंगलमय कामना गर्दछौं ।



घनश्याम गिरी
मेयर



बसन्ती श्रेष्ठ
उपमेयर

चन्द्रागिरी नगरपालिका
बलम्बु, काठमाडौं ।

नेपालीहरूको महान चाड बडा दशैं, तिहार, छठ पर्व एवम् राष्ट्रिय संवत् नेपाल संवत् १९४४ नयाँ वर्षको पावन अवसरमा समस्त वडाबासीका साथै नेपालीहरूको उत्तरोत्तर प्रगति एवम् सुख, शान्तिको मंगलमय कामना गर्दछौं ।



रविन्द्र महर्जन
वडा अध्यक्ष

ललितपुर महानगरपालिका
२१ वडा परिवार